

Rheolau a Manylion Cystadlaethau Cerddoriaeth Lleisiol

- 1 Mae'r Rheolau Cyffredinol ym mlaen y Rhestr Testunau hefyd yn berthnasol i'r adran hon.
- 2 Cymraeg yw iaith pob darn prawf a phob hunan-ddewisiad.
- 3 Caniateir i dri pharti neu gôr gynrychioli'r Sir/Rhanbarth yng nghystadleuaeth rhifau 31, 32, 33, 34, 35.
- 4 Rhaid i gystadlewyr dderbyn yr argraffiad a'r cyweirnod a nodir yn y Rhestr Testunau. Ni chaniateir defnyddio argraffiad gwahanol nac ychwaith newid cyweirnod unrhyw gystadleuaeth, oni nodir yn wahanol.
- 5 Rhaid i unigolion, partïon a chorau ddysgu'r darnau cyflawn neu'r nifer o benillion a nodir yn y Rhestr Testunau.
- 6 Rhaid i bartïon a chorau ddod â'u cyfeilyddion ac arweinyddion eu hunain, a gall y rheini fod yn bobl mewn oed, oni nodir yn wahanol.
- 7 Rhaid i bob cystadleuydd ddarparu ei gyfeiliant ei hun yn nghystadlaethau 20, 158, 159 a 160 ar gyfer yr Eisteddfodau Cylch/Sir/Rhanbarth yn ogystal a'r Genedlaethol.
- 8 Cyfrifoldeb y cwmni/grŵp/parti yw sicrhau hawlfraint unrhyw gerddoriaeth ar drac neu gerddoriaeth a chwaraeir yn fyw, sydd wedi ei gyhoeddi yn fasnachol.
- 9 Os nodir fod cystadleuaeth yn hunan-ddewisiad, rhaid anfon copiâu gydag enw, cyfeiriad, rhif ffôn a rhif y gystadleuaeth at drefnydd yr Eisteddfod Gylch wrth gofrestru i gystadlu ar-lein.
- 10 Mae'n anghyfreithlon gwneud copiâu ychwanegol eich hun o gerddoriaeth sydd wedi eu cyhoeddi.
- 11 Yng nghystadlaethau rhifau 11, 24 a 33 caniateir trefnu'r cyfeiliant i offerynnau amrywiol addas yn ychwanegol i'r piano. Fodd bynnag y perfformiad lleisiol feirnedir.
- 12 Ni chaniateir defnyddio traciau cefndir wedi'u recordio ymlaen llaw i gyfeilio, oni nodir yn wahanol.
- 13 Disgwylir i'r cystadlewyr fod yn barod i berfformio yn syth ar ôl cyrraedd y llwyfan.
- 14 Ni fydd yr Urdd yn darparu set o ddrymiau ar gyfer Eisteddfodau Cylch/Sir/Rhanbarth, ond bydd setiau ar gael ar gyfer rhagbrofion a llwyfan Eisteddfod Genedlaethol yr Urdd. Gofynnir yn garedig i gystadlewyr yr Unawd Taro i ddefnyddio'r drymiau a ddarperir gan yr Urdd, yn y Genedlaethol.